

18.06.2021թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ  
ՈՐՈՇՈՒՄ թիվ 020503/09  
ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Արման Մնացականյանս, քննելով  
վարչական իրավախախտման վերաբերյալ թիվ 20503 գործը,

ՊԱՐԶԵՑԻ

Անհատ ձեռնարկատեր Գրիգոր Գաբենեանը (ՀՎՀՀ՝ 20189365, հասցե՝ ք. Երևան, Խաչատրյան փող. 19 11) համաձայն <<Կուտակային կենսաթոշակների մասին>> ՀՀ օրենքի 14-րդ հոդվածի՝ ՀՀ հարկային օրենսգրքի 156-րդ հոդվածի 4-րդ մասի 2-րդ կետով սահմանված ժամկետում հարկային մարմին չի ներկայացրել 2020թ-ի սոցիալական վճարի մասին հաշվարկը, ինչի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169՝ հոդվածի 2-րդ մասով:

Կողմին հայտնաբերելու նպատակով ձեռնարկվել են համապատասխան միջոցառումներ:

Ակտի հասցեատերը ներկայացրել է դիմում առ այն, որ հանդիսանում է Սիրիայի Արաբական Հանրապետության քաղաքացի, չունի հանրային ծառայության համարանիշ, ինչպես նաև ԿԿՀ մասնակցության կարգավիճակ, հետևաբար 2020 թվականի Ա/Ձ և նոտարի եկամտային հարկի տարեկան հաշվարկը ներկայացնելու պարտավորություն չունի:

Վերոգրյալի կապակցությամբ հարկ է նշել, որ կատարված ուսումնասիրությունների արդյունքում անհատ ձեռնարկատեր Գրիգոր Գաբենեանի կացության քարտ ունենալու վերաբերյալ որևէ տեղեկություններ չեն ստացվել և համաձայն «Վարչարարության հիմունքների և վարչական վարույթի մասին» ՀՀ օրենքի 43-րդ հոդվածի՝ անձի և վարչական մարմնի փոխհարաբերություններում ապացուցման պարտականությունը կրում է՝ անձը՝ նրա համար բարենպաստ փաստական հանգամանքների առկայության դեպքում, վարչական մարմինը՝ անձի համար ոչ բարենպաստ փաստական հանգամանքների առկայության դեպքում: Համաձայն նույն օրենքի 10-րդ հոդվածի 1-ին մասի՝ վարչական մարմնի կողմից քննարկվող փաստական հանգամանքների վերաբերյալ անձի ներկայացրած տվյալները, տեղեկությունները համարվում են հավաստի բոլոր դեպքերում, քանի դեռ վարչական մարմինը հակառակը չի ապացուցել:

Հաշվի առնելով վերոգրյալ իրավական նորմերի վերլուծությունը և այն, որ համաձայն «Կուտակային կենսաթոշակների մասին» ՀՀ օրենքի 5-րդ հոդվածի 3-րդ մասի՝ ՀՀ-ում բնակության իրավունք (կացության կարգավիճակ) ունեցող օտարերկրյա քաղաքացիները և քաղաքացիություն չունեցող անձինք սոցիալական վճարները կատարում են ընդհանուր հիմունքներով, ՀՀ քաղաքացիների համար սահմանված կարգով, եթե ՀՀ միջազգային պայմանագրով այլ բան նախատեսված չէ, ուստի Գրիգոր Գաբենեանը ՀՀ ՊԵԿ նախագահի 12.12.2018թ. N749-Ն հրամանի

N3 հավելվածով հաստատված սոցիալական վճարի տարեկան հաշվարկ ներկայացնելու պարտավորություն չի կրում:

Ելնելով վերոգրյալից և հիմք ընդունելով այն հանգամանքը, որ սույն գործով բացակայում է իրավախախտման դեպքը, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 32, 244<sup>2</sup>, 281 հոդվածներով, 247-րդ հոդվածի 1-ին մասով և 282-րդ հոդվածի 2-րդ կետով՝

ՈՐՈՇԵՑԻ

Գրիգոր Գաքեճեանի վերաբերյալ հարուցված թիվ

վարչական վարույթը կարճել:

ՀՀ ՊԵԿ ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

ԱՄԼԱՑԱԿԱՆՅԱՆ

*(Handwritten signature)*

